

'CRUUNLE A 'HON A NENE,

Pɔlu gba la

TESALONIKUKUE

ye

1 ¹Mɔ Pɔluu ni, -ɔɔ 'cruunle -gbo 'cru, 'n bi 'le ye, kɔ Silas kɔ Timote 'heen. 'A muv'u ni, -aa -wɔn 'cru, -v mɔ Nyɔsua a nahuin, -v ni 'le Tesalonikidɔ 'mu. 'A mu mɔ -a ni Bu Nyɔsua kɔ -a ni Kɔkɔnyɔ -Yusu 'Klɔsɔ a nahuiin ni. ²-A ni Bu Nyɔsua kɔ -a ni Kɔkɔnyɔ -Yusu 'Klɔsɔ a -gbɛ, bu nu 'a mu -hapɔde 'mu, kɔ bu -nyi 'a mu kegbowɛɛnle.

Nyɔsua di nahuin le poo -bati, -nyrɔwɔ =nu -kɔ 'mu -Yusu di 'le lele di

³Diayuo -a, ɛ nɔɔ 'o le, 'ke -ba -nyi Nyɔsua 'wio 'ɛ ni ti, 'ke 'o 'a ni -ta 'mu, -ɛ nue, a kuo -Yusu ye =wlv -tɛɛ, 'a ni =wlv a yekuole a -gbɛ, 'ɛɛ kle bii, kɔ, 'a ni 'mununvele, 'ɛɛ -wɛ kle bii. ⁴Nɛ- nue, 'bia -ba ni 'o -Yusu a nahuin -ye ye, -aa 'a ni -pli po, -ɛ nue, -betɔ nahuin buu 'a mu =sue =tue, kɔ, bu yraa 'a mu, -tegbɔ a 'blee 'o kwa, 'ke a 'kie 'blee 'o kwa, 'a 'kie kue -Yusu 'Klɔsɔ =wlv ye.

⁵De a -gbɛ, nɛ- nye -a mu tɔɔ, -ɛ mɔ, -bati =nu, Nyɔsua di nahuin le poo, ɪ di 'o ye 'ni 'sii. -Tɛ a 'kie kue -Yusu =wlv ye, 'ke 'le =sueɔv a -gbɛ a 'yiye 'kwli 'mu, 'a -tɪ, Nyɔsua die 'ni nu, a 'mu 'le 'a 'klɔ yrayru =nu 'kwli 'mu pa, -ɔ 'nɪni -wɛ 'le. 'Ke 'o Nyɔsua a 'klɔ yrayru a -gbɛ a -ta 'mu, aa 'ye =sueɔv a -gbɛ. ⁶Ɛ mɔ -tɛɛ, Nyɔsua a -bati di 'o ye 'ni 'sii, -ɛ nue, -tɛ nahuiin nu, 'v =tue 'a mu =sue, ke Nyɔsua di nu, ɔ 'mu -wɛ =nu =sue =tue. ⁷'A mu -gbo, -vu =sue 'ye, -tɛ ti ni le 'mu -gbo, ɔ di 'a mu -nyi plɔ a bleele, a kɔ -a mu 'heen. Ke'ɛ ni, ɔ di nu ti =nu -kɔ 'yri -a ni Kɔkɔnyɔ -Yusu di 'le yakɔ 'mu -hɔn, ɔ kɔ 'a leelenyɔ =nu 'heen, -v ni 'kli ke. ⁸'Bia 'bɔɔ 'le di, -ye -a di 'ye nahru, ɔ 'mu nahuin =nu =sue =tue, -v 'de Nyɔsua a -tɪ kwa 'ble, kɔ, -v 'de =hapɔtitie

-nu -wlv ye kuo, -εε -a ni Kukɔnyɔ -Yusu a -ti -wɔn le na. ⁹-Sue, v di 'ye, ε ne- mɔ: v di 'ni 'wan, -te 'klɔ tɛ ye gbo, Nyɩsua 'mu 'waa 'hru ye ka, -ε die nu, v 'ni -han 'o -a ni Kukɔnyɔ 'huɩn 'mu ni, kɔ, v 'ni -han 'le 'a -ti a 'yi'buaale gblaka -heyri ni. ¹⁰-Nyrɔwɔ -nu -kɔ 'mu -a ni Kukɔnyɔ di 'le lele di, 'ke -tɔplɩ a -gbɛ, ɪ di 'lu -wɔn mue. -Nyrɔwɔ gblaka a -gbɛ 'mu, ɔ di 'le 'ni di, -ε die nu, 'a nahuin 'muo baa. Nahuin 'bii -nu, -v kuo -wlv ye, v dio -nyi -ti a 'yi'buaale. 'A ni -gbɛ, 'ke a diu 'le -heyri ni, -ε nue, -Yusu a -ti -nu, -a -tu 'a mu ye, a kui ye -wlv.

¹¹Ne- nue, -aa Nyɩsua da 'ε ni ti, 'ke 'o 'a ni -ta 'mu. -A nyo 'ni da, -ε die nu, ɔ 'mue nu, a 'mu 'o ye 'sii, 'ke 'o -nɔ ye, kɔ, a 'mu nahuin -nu 'mu 'ya, -v blɛ 'a 'klɔ yrayrv -nu ye, -ɔ kɔ 'kwli 'mu ɔ daa 'le 'a mu. -A nyo -we 'ni da, -ε die nu, ɔ 'mu 'a mu 'mu -he, 'ke 'le 'a 'klɩkenɩnɩε 'kwli 'mu, 'ke ba nu -hapv-tɔplɩ 'bii -nu, aa -hva ba nu, ɪ kɔ -kvan -nu 'hɛɛn, aa nu, 'ke 'le 'a -wlv a yekuole 'kwli 'mu. ¹²Nahuin 'buu dɛ a -gbɛ 'ye, -ye v di -a ni Kukɔnyɔ -Yusu 'ni baa 'a ni -ti, v 'mu -we 'a mu baa, -a ni Kukɔnyɔ a -gbɛ a -ti. Dɛ a -gbɛ, ε di -wɔn mue 'lu, -ε nue, -a ni Nyɩsua kɔ -a ni Kukɔnyɔ -Yusu 'Klɩsɩ 'hɛɛn, vu 'a mu 'mu nu -hapudɛ.

Dɛ -nu, -ε di 'lu -wɔn mue, 'plu -Yusu 'Klɩsɩ 'mu 'le di

2 ¹'Diayuo -a, ti -nu -kɔ 'yri Kukɔnyɔ -Yusu di 'le lele di, -a 'mu le 'kukue, 'ke 'o -nɔ ye, ni -kɔ -ti 'nu 'a mu ye mu -tu. -Aa 'a mu le 'ni 'batt: ²Nahuin -ye 'bu nyi -tu, -ε mɔ, -nyrɔwɔ -nu, -a ni Kukɔnyɔ di 'le ya, ɔ nyre 'o -o -dodo, ε ni -gbugbɩ 'le 'a mu, kɔ, ε ni nue 'le 'a mu huannv. A ni pui 'le -tɛɛ, mɔ -betɩ buu le po, -ε mɔ, Nyɩsua'a ni, -ɔ tve -nu, mɔ -betɩ ba 'wun -we 'o nahuin -nu wien, -vu -ke Nyɩsua a -ti le -tu, mɔ -betɩ buu le po, -ε mɔ, 'mɔɔ ni, -ɔ 'crɩɛ. ³A ni wun 'le ke gbe, 'ke nahuin bu kaa 'a mu. Ba kɔ 'a yiyie, 'plu -nyrɔwɔ a -gbɛ, ɔ 'mu 'o mu nyre, nahuin 'plɔplɔ di 'o Nyɩsua a 'hru gbo 'ni hie, kɔ, 'Crenyɔ gblaka -nu, Nyɩsua di -tado 'le na 'mu po, nɔ- di 'a -kvan -wlv -tu. ⁴'Crenyɔ a -gbɛ, ɔ di nahuin 'ni le, bu 'kee 'ε ni dɛ =dɛ a dida, mɔ -betɩ Nyɩsua. ɔ di -we 'ni -tu, -ε mɔ, 'ke ɔ ni 'o 'ε ni dɛ =dɛ 'lu ye, ɔ 'mu -we 'le Nyɩsua a 'kagblaka -nu gbo pa, ɔ 'mu 'le gbata -nu wɩɔn gbo ni, ɔ 'mui -tu, -ε mɔ, nɔ- mɔ Nyɩsua.

⁵-Tɛ 'n ni la 'le 'a mu -wɔn, -ti a -gbɛ, 'n -tui la 'a mu ye ni. -Be ɪ 'ni bi -le 'le 'a mu 'kwli 'mu? ⁶-Tɛ ti ni le 'mu -gbo, dɛ =dɛ ka 'Crenyɔ a -gbɛ ye, 'ke bɔ di 'le. Dɛ a -gbɛ, a yie ni. Ti -nu, Nyɩsua wa 'dv, 'bi nyre 'o, 'Crenyɔ a -gbɛ, ɔ di 'mu bi pepe'. ⁷Ɛ mɔ -tɛɛ, -tɛ ti ni le 'mu -gbo, nahuin 'plɔplɔ, 'vu Nyɩsua ye -wɔn. -A yi 'klɩ -huɩn a -gbɛ ni, -ε nue, Nyɩsua, nɔ- tui -a mu. -Ti -gbo, 'nu -tu, ɪ di 'o 'ni nyre, kɛɛ, ɪ 'de wen 'o a nyree. Ɛ nye 'ni -hva, 'ke nahuon -nu, -ɔɔ 'Crenyɔ a -gbɛ ye ka, bu -hɩɔ 'o 'hru wɩɔn, ⁸'plu 'Crenyɔ a -gbɛ, ɔ 'mu pepe' 'mu bi. -A ni Kukɔnyɔ -Yusu 'bɔ di 'le, 'ke 'le 'a -ti a 'yi'buaale 'kwli 'mu, ɔ di 'Crenyɔ a -gbɛ 'lu =hloon pepe, ɔ 'mu gbo -wɛ. ⁹'Crenyɔ a -gbɛ, 'bɔ bi pepe' 'mu, ɔ di 'le 'ni di, 'ke 'le Satan a 'klɩ 'kwli 'mu,

ɔ 'mu 'ɲmileka-tɔpli a gbleglei nu. 'ɲmileka-tɔpli a -gbe, nu- ɔ di nu, ɔ 'mu nahuin kaa. ¹⁰Ɔ di nu 'yilenyire-tɔpli a gbleglei, ɔ 'mu nahuin =nu kaa, v di 'le na =nu 'mu po, -ɔ 'nɪnɪ jre gbe. Nahuin a -gbe, v di 'ye =sue, -ɛ nue, v 'nɪ -hva -le -tɪ a -tɛɛ, 'v di 'mu nɔɛ. 'Bia 'bu wɛɛn wɛn -tɪ a -tɛɛ ke, Nyɪsɔa diu wɛn 'nɪ waa. ¹¹-Tɛ v 'nɪnɪ -hva Nyɪsɔa, Nyɪsɔa nye 'nɪ nu, 'waa 'lu a lɛ-hiele 'ɛɛ ke muu, kɔ, 'v kuo hɪ =wɔ ye. ¹²'A -tɪ, Nyɪsɔa a -bati di nahuin 'bii =nu 'nɪ klɪ, -v 'nɪnɪ -hva -tɪ a -tɛɛ, kɔ, -v nɔɛ 'mu -bu nu dɛ 'klan.

Nyɪsɔa -ha 'le 'a mu 'mu du, 'ke bɔ waa 'a mu

¹³'Diayuo -a, 'a mu =nu, Nyɪsɔa nɔɛ 'mu, ɛ nɔɔ 'o lɛ, 'ke -ba -nyo 'wio 'ɛ nɪ ti, 'ke 'o 'a nɪ -ta 'mu, -ɛ nue, -tɛ Nyɪsɔa 'mu la 'klɔ -wɔ mu =tu, ɔ -ha la 'le 'a mu 'mu du, 'ke bɔ waa 'a mu, 'ke 'le 'a -Hihiu a 'klɪ 'kwɪ 'mu. 'A -Hihiu a -gbe, nu- nue, 'a -hɛ Nyɪsɔa a nahuin. Ɔ -wɛ 'a mu 'nɪ waa, -ɛ nue, a kuo -tɪ a -tɛɛ ye =wɔ. ¹⁴Ɔ 'mu 'a mu waa, nɛ- nue, 'ɔ da la 'a mu, 'ke ba kuo la =wɔ ye ti =nu -kɔ 'yri -a pue la 'a mu -Yusu a -hapɔtitie. Ɔ nye la 'nɪ -hva, 'ke ba nu -wɛ 'manɔ, 'ke 'o -a nɪ Kɔkɔnyɔ -Yusu 'Kɪsɔ a -tɪ a 'yi'buale a -ta 'mu. ¹⁵'A -tɪ, 'na 'diayuo -a, ba 'kɪɛ kue -Yusu 'Kɪsɔ =wɔ ye, kɔ, ba naa -tɔpli =nu =wɔ klɛ, -a tɔɔ 'a mu, 'ke 'o wuntɔ 'yri, kɔ 'ke 'o 'crunɛ ke.

¹⁶⁻¹⁷-A nɪ Kɔkɔnyɔ -Yusu 'Kɪsɔ a -gbe, ɔ kɔ -a nɪ Bu Nyɪsɔa, -ɔ nɔɛ -a mu 'mu, bu =tu 'le 'a mu =wɔ 'kwɪ 'mu gbo, kɔ, bu -nyi 'a mu 'klɪ, 'ke ba nu -hapɔ-tɔpli, kɔ, 'ke ba -tu -wɛ -hapɔ-tɪ 'ɛ nɪ ti. -Tɛ Nyɪsɔa -a mu -hapɔdɛ 'mu nu, ɔɔ -a mu -nyi 'klɪ 'ɛ nɪ ti, kɔ, ɔɔ -a mu 'mu -hɛ, 'ke -ba -pre -hapɔdɛ =nu, -a yi, ɔ di -a mu -nyi.

Ba da Nyɪsɔa, 'ke 'o -a nɪ -ta 'mu

3 ¹'Diayuo -a, dɛ -kɔ ke -a di 'o -yrɛɛ, nɛ- mɔ: ba da Nyɪsɔa, 'ke 'o -a nɪ -ta 'mu, -ɛ die nu, Kɔkɔnyɔ -Yusu a wintɛ 'mu gbo 'sɛɛ, kɔ, nahuin 'mue kwa 'ble, v 'mue 'o =tuu, -ɛ 'we =nɔ ye, -tɛ aa 'a nunue nu. ²Ba da -wɛ Nyɪsɔa, -ɛ die nu, ɔ 'mu -a mu 'mu -hɛ, 'crɛnyɔ 'nɪ -han -a mu dɛ 'klan =de 'mu nu, -ɛ nue, ɛ kɔ nahuin, 'v 'nɪnɪ -hɔɛ, 'ke bu kuo -Yusu =wɔ ye.

³Kɛɛ, 'bia =nɪ kuo -a nɪ Kɔkɔnyɔ =wɔ ye, ɔ 'nɪ hie -le 'o -mu gbo. Ɔ di 'a mu 'mu 'nɪ -hɛ, 'a mu 'klɪ ke nɪ, kɔ, ɔ 'mue nu, 'kuo -hɔn a nyɪgblaka 'nɪ -han 'a mu dɛ 'klan =de 'mu nu. ⁴-A kuo -a nɪ Kɔkɔnyɔ ye =wɔ, 'ke bɔ nue, -tɪ =nu, -a tɔɔ la 'a mu, 'a mu 'o 'cipi, 'a 'mui nu.

⁵-A nɪ Kɔkɔnyɔ bɔ -hɛ 'a mu 'mu, -ɛ die nu, Nyɪsɔa a 'munvɛlɛ 'mu klɛ bii, 'ke 'le 'a nɪ =wɔ ke, kɔ, -tɛ a 'blee 'o kwa, 'ke ba 'kɪɛ 'blee 'o kwa, -ɛ 'we =nɔ ye, -tɛ -Yusu 'Kɪsɔv la 'a nunue nu.

ɛ nɔɔ 'o lɛ, 'ke nahuon bɔ nu -kvan

⁶'Diayuo -a, -a nye 'a mu 'nɪ -hva, 'ke 'le -a nɪ Kɔkɔnyɔ -Yusu 'Kɪsɔ a 'du 'kwɪ 'mu, ba hren -Yusu a nahuin =nu -wɔn lɛ, -v hleɛ. Ɔ -mɛ -ye, v 'nɪ =tuu =le dɛ =nu 'o, -a tɔɔ 'a mu. ⁷'A nɪ -gbe, a yie nɪ, -tɛ a kɔ ba nu 'le -a nɪ

=pɪ a 'lele-hɪhɪa. -Tɛ -a di la 'le 'a mu -wɔn, -a 'nɪ nu -le la hɛkɛŋmli lɛ. ⁸-A 'nɪ di -le la 'a nɪ didi-tɔplɪ -gbugbɛ. Kɛɛ, 'tɔ 'mu kɔ -nyɛ 'mu, -aa la 'ye -sɛ, -aa la -kuan nu, -a nɪ -gbɛ, -ɛ die nu, -a 'mu -a dɔnu ye -wɔn. -A 'nɪ -hɪa -le la ba kɔ lɛkiklele -a nɪ -tɪ. ⁹Ɛ mɔ -tɛɛ, 'hru pɛ la 'o gbo, 'ke -ba -hɪa la 'a mu didide, kɛɛ, dɛ'ɛ nɪ, -aa la 'a mu ye tɔɔ, nɛ- nue, -aa la -kuan nu. ¹⁰-Tɛ -a nɪ la 'le 'a mu -wɔn, kɛ -aa la po: «Nahuon 'bɔ nɪ 'o, 'bɔ 'nɪnɪ -hɪa bɔ nu -kuan, ɔ 'de ye blɛ bɔ di dɛ.»

¹¹Ɛ 'we -nɔ ye, -a 'wɪn nɪ, -ɛ mɔ, 'ke 'le 'a mu -hɛyri, nahuin -ye nɪ 'o, 'uɔ hɛkɛŋmli lɛ nu. U 'nɪ -hɪa -le bu nu -kuan, kɛɛ, 'waa -kuan, nɔ- mɔ bu bi 'le 'waa 'bienu a -tɪ 'mu lɛ. ¹²Nahuindu a -gbɛ, nu- -aa 'le -wɔn 'prɛɛ. -A nyu 'nɪ lɛ, 'ke 'le -a nɪ Kɔkɔnyɔ -Yusu 'Klɪsɔ a 'dɔ 'kwli 'mu, -ɛ mɔ, bu nu 'waa -kuan -tɛɛ, -ɛ die nu, 'waa -gbɛ, u 'mu 'waa dɔnu ye -wɔn.

¹³'Diayuo -a, a -mɛ -ye, 'a nɪ 'klɪ nɪ -wɛ 'le 'le, 'ke ba nu -hapɔdɛ. ¹⁴-Tado, ɛ di kɔ nahuon, -tɪ -gbo, -aa 'a mu -wɔn 'cru, -ɔ 'nɪnɪ di 'o -tuu. 'Bɪa 'bɛ nɪ lɛ 'mu, ba 'nɔɔ 'yie ke gbo, kɔ, ɔ kɔ 'a mu 'hɛɛn, a nɪ bibi 'le 'yi 'mu lɛ, -ɛ die nu, -tɔtɔ 'muo nu. ¹⁵Kɛɛ -ye a nɪ 'yo 'le, -ɛ 'we -nɔ ye 'a nɪ yraanyɔ, kɛɛ, ba -gbɔɔ -tɛɛ, -ɛ nue, ɔ mɔ 'a nɪ 'diayuu 'nɪ.

'Lele'ɔɔwinte

¹⁶-A nɪ Kɔkɔnyɔ -Yusu a -gbɛ, -ɔɔ -ke nahuin kegbowɛɛnle -nyi, bɔ -nyi 'a mu kegbowɛɛnle 'ɛ nɪ ti, 'ke 'o 'ɛ nɪ dɛ -dɛ a -ta 'mu. Nɔ- -bɔ nɪ 'o a 'bii -wɔn.

¹⁷Kɛ mɔ 'crunɛ a -tɔɔ -gbo ke, 'mɔ Pɔlv a -gbɛɛ nɪ, -ɔɔ mɔ 'cru. 'N -gba 'a mu wɔn lɛ -tɛɛ. Kɛ'ɛ nɪ, 'nu 'na 'dɔ a 'crule nu, 'ke 'le 'na 'crunɛi 'bii 'kwli 'mu. 'Na 'crudabɔ, nɪ- die 'a mu tɔɔ, -ɛ mɔ, 'mɔ Pɔlv nɪ, -ɔ 'cru 'crunɛ -gbo.

¹⁸-A nɪ Kɔkɔnyɔ -Yusu 'Klɪsɔ bɔ nu a 'bii -hapɔdɛ 'mu.